

Արդյունաբերություն և Բիզնես միտումներ

Վիճակագրական արտադրանք – Արդյունաբերական արտադրանքի թողարկում և իրացում (Արդյունաբերական արտադրանքի ծավալի ինդեքսներ (ամսական, տարեկան), Պատրաստի արտադրանքի իրացում (ամսական, տարեկան), Արդյունաբերական արտադրանքի արտադրություն (ամսական, տարեկան), Բիզնես միտումների հետազոտություն՝ Հանքագործական արդյունաբերություն (ամսական, տարեկան), Մշակող արդյունաբերություն (ամսական, տարեկան), Էլեկտրականության, գազի, գոլորշու և լավորակ օդի մատակարարում (ամսական, տարեկան), Ջրամատակարարում, կոյուղի, թափոնների կառավարում և վերամշակում (ամսական, տարեկան))

Գործընթացներ	Ենթագործընթացներ	Ենթագործընթացի նկարագրություն
<i>Կարիքների ձևակերպում</i>		
	1.1 Կարիքների բացահայտում	Ցուցանիշների հավաքման հիմնական նպատակն է տրամադրել օգտագործողներին կարճաժամկետ և տարեկան կտրվածքով տեղեկատվություն արդյունաբերական արտադրության (արտադրանքի թողարկման) և իրացման ծավալների վերաբերյալ: Ցուցանիշները կիրառվում են արդյունաբերության բնագավառում ռազմավարության մշակման, մարտավարական խնդիրների լուծման, բիզնես միջավայրի վերլուծության, զարգացման միտումների բացահայտման և այլ նպատակներով:
	1.2 Խորհրդակցում և կարիքների հաստատում	Ցուցանիշները հավաքվում են համաձայն տարեկան վիճակագրական ծրագրի (տես՝ http://www.armstat.am/am/?nid=191&year=2015 հղումը), որն իր հերթին մշակվում է վիճակագրական տեղեկատվության օգտագործողների պահանջարկի ուսումնասիրության հիման վրա՝ հաշվի առնելով առկա ռեսուրսների սահմանափակումները, վիճակագրական տեղեկություններ տրամադրողների վրա դրվող պարտականությունների ծավալը և ծախսերի արդյունավետությունը: Վիճակագրական ցուցանիշների վերաբերյալ տեղեկատվության օգտագործողների կարծիքների ուսումնասիրությունն իրականացվում է ինչպես նրանց հետ աշխատանքային քննարկումների անցկացման, այնպես էլ Արմստատի պաշտոնական կայքում առկա «Օգտագործողների բավարարվածության հետազոտության» հարցաթերթի միջոցով (տես՝ https://www.armstat.am/am/?nid=131 հղումը):

	1.3 Արտադրանքի նպատակների սահմանում	Տեղեկատվության (տվյալների) հավաքման, օգտագործման, հրապարակման և պահպանման գործընթացում խստորեն պահպանվում են «Պաշտոնական վիճակագրության մասին» ՀՀ օրենքում վիճակագրական տվյալների գաղտնիությանը վերագրվող դրույթները (տես՝ http://www.armstat.am/file/doc/99486043.pdf հղումը):
	1.4 Հասկացությունների որոշում	Ցուցանիշների ներդրման անհրաժեշտությունը պայմանավորված է վիճակագրական տեղեկատվություն օգտագործողների պահանջարկի առկայությամբ:
	1.5 Տվյալների առկայության ստուգում	Տեղեկատվության հավաքման հիմնական աղբյուր են հանդիսանում արդյունաբերական կազմակերպությունները և անհատ ձեռնարկատերերը: Դրա հետ մեկտեղ տվյալների հավաքման այլընտրանքային աղբյուր են հանդիսանում վարչական ռեգիստրները: Որպես վարչական ռեգիստր հանդիսանում է «ՀՀ տարածքային կառավարման և ենթակառուցվածքների նախարարությունը»: Տվյալների հավաքումն իրականացվում է վիճակագրական հաշվետվական ձևի միջոցով՝ համապատասխան տարեկան ու հնգամյա վիճակագրական ծրագրերի:
	1.6 Բիզնես մոդելի նախապատրաստում	Մինչ վիճակագրական հաշվետվական ձևի ընդունումը ՀՀ ՎՊԽ կողմից և ՀՀ արդարադատության նախարարության կողմից դրա պետական գրանցումը, որպես նորմատիվ իրավական ակտ, իրականացվում է դրանում ներառված ցուցանիշների և դրանց վերաբերյալ լրացման հրահանգի մասով աշխատանքային քննարկումներ տարբեր շահագրգիռ մարմինների, գիտական կազմակերպությունների, օգտագործողների հետ, ինչպես նաև հաշվի է առնվում միջազգային փորձագետների կարծիքը:
	<i>Նախագծում</i>	
	2.1 Արդյունքների նախագծում	Տվյալների հավաքումը հիմնվում է «Պաշտոնական վիճակագրության մասին» (տես՝ https://www.armstat.am/am/?nid=638 հղումը) և «Հնգամյա վիճակագրական ծրագրի մասին» (տես՝ https://www.armstat.am/am/?nid=719 հղումը) ՀՀ վիճակագրության պետական խորհրդի 2016թ. հունիսի 20-ի «Վիճակագրական տվյալների հավաքման կարգը հաստատելու մասին» թիվ 05-Ն (տես՝ https://www.arlis.am/documentview.aspx?docID=122973 հղումը) և «Տարեկան վիճակագրական ծրագիրը հաստատելու մասին» (տես՝ https://www.armstat.am/am/?nid=191 հղումը) որոշումների, ինչպես նաև ՀՀ վիճակագրության պետական խորհրդի 2018թ. հոկտեմբերի 19-ի «Հաշվետվություն կազմակերպության արդյունաբերական արտադրանքի մասին» վիճակագրական հաշվետվական ձևերը (1-արտ (ամսական, եռամսյակային, տարեկան)) և դրանց լրացման

		<p>հրահանգը հաստատելու մասին թիվ 25-Ն որոշման հիման վրա:</p> <p>Տեղեկատվության տարածումը (վիճակագրական տեղեկագրեր) իրականացվում է ինչպես թղթային, այնպես էլ էլեկտրոնային տարբերակներով:</p>
	2.2 Փոփոխականների նկարագրությունների նախագծում	<p>Ցուցանիշների հավաքման նպատակով կիրառվում է Տնտեսական գործունեության տեսակների դասակարգչի 2-րդ խմբագրությունը (ՀՀ էկոնոմիկայի նախարարի N 1579-Ն 10.12.2019թ. հրաման ՀՀ ԳՏ 04.11.2013թ. 30/ (474).1) (տես՝ https://www.armstat.am/am/?nid=370 հղումը):</p>
	2.3 Տվյալների հավաքման նախագծում	<p>Վիճակագրական տեղեկատվության հավաքման հիմնական ձևը թղթայինն է՝ ՀՀ վիճակագրության պետական խորհրդի կողմից հաստատված վիճակագրական հաշվետվական ձևի միջոցով՝ համաձայն տարեկան ծրագրի: Կիրառվում է նաև տեղեկատվության հավաքման էլեկտրոնային եղանակ:</p> <p>Տեղեկատվության հավաքումն իրականացվում է ընտրանքային դիտարկման եղանակով:</p>
	2.4 Գլխավոր համակցության և ընտրանքի նախագծում	<p>Գլխավոր համակցության նախագծումն իրականացվում է ոլորտի վերաբերյալ ամբողջական տեղեկատվության ապահովման նպատակով: Այդ նպատակով իրականացվում է նախապես հայտնի արդյունաբերության ոլորտի կազմակերպությունների գործունեության փաստի վերաբերյալ տեղեկատվության ստացում՝ բոլոր հնարավոր աղբյուրներից, որին անմիջապես հետևում է այդ կազմակերպությունների իրազեկումը վիճակագրական դիտարկման դաշտ ընդգրկվելու վերաբերյալ, ապա համապատասխան վիճակագրական տեղեկատվության հավաքումը:</p>
	2.5 Մշակման և վերլուծության նախագծում	<p>Տեղեկատվության հավաքումից հետո վիճակագրական ցուցանիշները ենթարկվում են թվաբանական և տրամաբանական ստուգումների, որոնց հիման վրա, իսկ անհրաժեշտության դեպքում նաև տեղեկատվություն ներկայացնող համապատասխան կազմակերպությունների հետ կապ հաստատելու միջոցով, իրականացվում են համապատասխան ճշգրտումներ: Ցուցանիշների վերաբերյալ ոչ արժանահավատ, թերի կամ աղավաղումներով տեղեկատվության ներկայացման դեպքում համաձայն ՀՀ «Վարչական իրավախախտումների վերաբերյալ ՀՀ օրենսգրքի» 169.2 հոդվածի պահանջների ըստ անհրաժեշտության իրականացվում է նաև ստուգման գործընթաց, որի արդյունքում ճշգրտման են ենթարկվում ցուցանիշների վերաբերյալ նախորդող ժամանակաշրջանի տվյալները:</p> <p>Հաշվառման դաշտի ամբողջականացման ապահովման նպատակով առանձին արտադրությունների (հաց, պանիր) գծով (ըստ ցածր առաձգականությամբ արտադրանքների արտադրության բազային ցուցանիշների) իրականացվում է չդիտարկվող (չհաշվառվող) դաշտի գնահատումը՝ օգտագործելով ինչպես տնային տնտեսությունների,</p>

		այնպես էլ ընտրանքային հետազոտությունների արդյունքները:
	2.6 Արտադրության համակարգերի և գործընթացի նախագծում	Տեղեկատվության հավաքումից մինչև դրա հրապարակումը իրականացվող բոլոր գործընթացների մասով կատարվում են նախապատրաստական աշխատանքներ, մասնավորապես կապված ռեսպոնդենտներին համապատասխան իրազեկումներով ապահովելու, աշխատակիցներին անհրաժեշտ մասնագիտական դասընթացների միջոցով վերապատրաստելու և այլնի հետ:
	<i>Կառուցում</i>	
	3.1 Հավաքման գործիքի կառուցում	Տեղեկատվության հավաքման իրականացման և դրա համար անհրաժեշտ վիճակագրական հաշվետվական ձևեր և դրա լրացման հրահանգը առկա են ինչպես թղթային, այնպես էլ էլեկտրոնային տեսքով (տես՝ https://www.armstat.am/am/?nid=547 հղումը):
	3.2 Գործընթացի բաղադրիչների կառուցում կամ ամրապնդում	Առկա են տեղեկատվության ստուգաճշտման համար անհրաժեշտ մեթոդական ցուցումներ ու հրահանգներ: Մուտքագրման ծրագրային փաթեթում (Microsoft Office Access) առկա է մուտքագրված տվյալների թվաբանական ու տրամաբանական ստուգումների իրականացման համար անհրաժեշտ գործիքներ՝ հանրագումարների, տրամաբանական կապերի, կազմակերպությունների գրանցման, նույնականացման, պետական ռեգիստրի ու հարկ վճարողի հաշվառման համարների համապատասխանության և այլ ավտոմատ ստուգումների համակարգեր:
	3.3 Տարածման բաղադրիչների կառուցում կամ ամրապնդում	Տեղեկատվության տարածման համար առկա են ինչպես թղթային, այնպես էլ էլեկտրոնային տարբերակներով տեղեկատվության հրապարակման հնարավորություններ՝ ամսական, եռամսյակային և տարեկան պարբերականությամբ՝ համաձայն վիճակագրական տարեկան ծրագրի:
	3.4 Գործընթացների կարգավորում	Վիճակագրական արտադրանքի ստացումն իրականացվում է իրար հաջորդող հետևյալ փուլերով՝ <ol style="list-style-type: none"> 1. տեղեկատվության հավաքում, 2. թվաբանական և տրամաբանական ստուգումներ և ճշգրտումներ, 3. տեղեկատվության մուտքագրում նախապես մշակված համակարգչային մուտքագրման ծրագրի միջոցով (Microsoft Office Access ծրագրային փաթեթ), 4. ստացված ամփոփ տեղեկատվության համեմատում համապատասխան դինամիկ շարքերի հետ, 5. տեղեկատվության տարածում՝ ինչպես թղթային, այնպես էլ էլեկտրոնային եղանակով տարեգրքերում, տեղեկատվական զեկույցներում, վիճակագրական ժողովածուներում, ինչպես նաև տեղեկատվության պաշտոնական հայցման

		դեպքում պաշտոնական պատասխան գրությունների միջոցով:
	3.5 Արտադրության համակարգի փորձարկում	Պայմանավորված վիճակագրական հաշվետվական ձևում ցուցանիշների փոփոխությունների հետ մուտքագրման ծրագրային փաթեթը պարբերաբար ենթարկվում է համապատասխան փոփոխությունների: Ըստ անհրաժեշտության իրականացվում է նաև ծրագրային փաթեթների թեստավորում:
	3.6 Վիճակագրական բիզնես գործընթացի փորձարկում	Ցուցանիշի վիճակագրական հաշվետվական ձևում ընդգրկմանը զուգահեռ իրականացվում է վերջինիս դաշտային փորձաքննություն՝ պարզելու ռեսպոնդենտների կողմից ցուցանիշի տրամադրման հնարավորությունները, ինչպես նաև փորձարկելու դրա նկատմամբ նրանց ընկալումը:
	3.7 Արտադրության համակարգի վերջնականացում	Իրականացվում են վիճակագրական հաշվետվական ձևում առկա ցուցանիշների լրացման վերաբերյալ մեթոդաբանական պարզաբանումների կազմում և տրամադրում վիճակագրական տեղեկատվություն տրամադրողներին (ռեսպոնդենտներին): Ամփոփվում են տեղեկատվություն ներկայացնողների հետ ցուցանիշների վերաբերյալ աշխատանքային քննարկումների արդյունքում ձեռք բերված համաձայնությունները:
	<i>Հավաքում</i>	
	4.1 Գլխավոր համակցության և ընտրանքի ձևավորում	Հիմնական տեղեկատվությունը հավաքվում է ինչպես կազմակերպություններից, այնպես էլ անհատ ձեռնարկատերերից, ընդ որում ըստ վիճակագրական նպատակների խոշոր և միջին (51-ից ավել աշխատող ունեցող) կազմակերպությունները դիտարկման մեջ ընդգրկված են համատարած, ինչն ապահովում է ճշգրտության բարձր աստիճան: Վերջիններս տեղեկատվությունը ներկայացնում են ամսական պարբերականությամբ: Փոքր և գերփոքր կազմակերպություններից (0-50 աշխատող) և անհատ ձեռնարկատերերից տեղեկատվությունը հավաքվում է ընտրանքային կարգով՝ եռամսյակային պարբերականությամբ: Ընտրանքի իրականացման համար գլխավոր համակցության ձևավորման նպատակով կիրառվում է վիճակագրական բիզնես ռեգիստրը: Ընտրանքը ստրատիֆիկացված է ըստ գործունեության տեսակների (NACE 2 դասակարգչի խմբավորմանը համապատասխան) և աշխատողների թվաքանակով որոշվող չափերի:
	4.2 Հավաքման կազմակերպում	Վիճակագրական տեղեկատվության հավաքման կազմակերպման համար իրականացվում է դիտարկման ենթակա նախապես հայտնի կազմակերպությունների քանակին համապատասխան վիճակագրական հաշվետվական ձևի և ըստ անհրաժեշտության դրա լրացման հրահանգի տպագրության պատվերի ձևավորում,

		<p>դրանց տպագրություն և բաշխում համապատասխան կազմակերպություններին: Միաժամանակ վիճակագրական հաշվետվական ձևն ու դրա լրացման հրահանգը հասանելի են նաև Արմստատի պաշտոնական կայքում (տես՝ https://www.armstat.am/am/?nid=547 հղումը): Առկա են էլեկտրոնային եղանակով հաշվետվության հավաքման համար անհրաժեշտ ցանցային միջոցներ:</p> <p>Կառուցվածքային և տարածքային ստորաբաժանումների պատասխանատու աշխատակիցները ունեն համապատասխան գիտելիքներ և հմտություններ վիճակագրական տեղեկատվության հավաքման գործընթացի կազմակերպման համար:</p>
	4.3 Հավաքման իրականացում	<p>Վիճակագրական տեղեկատվության հավաքման իրականացվում է ինչպես Արմստատի տարածքային ստորաբաժանումների, մարզային վարչությունների, այնպես էլ Արմստատի կենտրոնական ապարատի համապատասխան կառուցվածքային ստորաբաժանման միջոցով՝ առձեռն, փոստի և էլեկտրոնային համակարգի միջոցներով համաձայն 20.06.2016թ. ՀՀ ՎՊԽ «Վիճակագրական տվյալների հավաքման կարգը հաստատելու մասին» թիվ 05-Ն որոշման:</p>
	4.4 Հավաքման վերջնականացում	<p>Հավաքված տեղեկատվությունը թվաբանական և տրամաբանական ստուգաճշտման ենթարկվելուց հետո մուտքագրվում է էլեկտրոնային միջավայր: Տեղեկատվության մուտքագրումը իրականացվում է ինչպես մեխանիկական, այնպես էլ տեղեկատվությունը էլեկտրոնային միջավայր անմիջապես ներածելու եղանակով:</p>
	<i>Մշակում</i>	
	5.1 Տվյալների ինտեգրում	<p>Արդյունաբերական կազմակերպություններից և անհատ ձեռնարկատերերից վիճակագրական հաշվետվական ձևերով ստացված տեղեկատվությունը միավորվում է վարչական աղբյուրներից ստացվածին՝ հանրագումարի բերելով արդյունաբերության վերաբերյալ ամբողջական տեղեկատվությունը:</p>
	5.2 Դասակարգում և կոդավորում	<p>Իրականացվում է ըստ կազմակերպության գործունեության հիմնական տեսակի կոդավորման աշխատանքներ համաձայն Տնտեսական գործունեության տեսակների դասակարգիչի (NACE, rev 2), ինչպես նաև մարզային և տարածքային միավորների կոդավորում՝ համաձայն նախապես սահմանված կարգի:</p>
	5.3 Վերանայում և հաստատում	<p>Իրականացվում է թերի կամ աղավաղումներով ներկայացված տեղեկատվության ստուգաճշտում, ինչպես նաև ոչ ճիշտ կոդավորված տեղեկատվության համապատասխանեցում նախապես հաստատված դասակարգիչների պահանջներին: Ըստ անհրաժեշտության իրականացվում է նաև կազմակերպությունների պետական ռեգիստրում</p>

		գրանցման, նույնականացման և հարկային մարմնում գրանցման համապատասխան կողերի վավերացում՝ օգտագործելով Արմստատի կողմից վարվող բիզնես ռեգիստրի և որպես վարչական տեղեկատվության աղբյուր օգտագործվող ՀՀ արդարադատության նախարարության իրավաբանական անձանց պետական գրանցում իրականացնող մարմնի կողմից տրամադրված տեղեկատվությունը:
	5.4 Խմբագրում և իմպուտացիա	Իրականացվում է բացակայող տեղեկատվության համալրում ցուցանիշների նախորդ ժամանակահատվածի վերաբերյալ ներկայացված տվյալներով՝ դրանց վերաբերյալ այլընտրանքային տեղեկատվության բացակայության դեպքում: Համալրված տեղեկատվությունը հաջորդող ժամանակահատվածում տվյալների առկայության պարագայում ենթակա են ճշգրտման:
	5.5 Նոր փոփոխականների և միավորների ձևավորում	Հաշվառման դաշտի ամբողջականացման ապահովման նպատակով առանձին արտադրությունների (հաց, պանիր) գծով (ըստ ցածր առաձգականությամբ արտադրանքների արտադրության բազային ցուցանիշների) իրականացվում է չդիտարկվող (չհաշվառվող) դաշտի գնահատումը, օգտագործելով ինչպես տնային տնտեսությունների, այնպես էլ ընտրանքային հետազոտությունների արդյունքները:
	5.6 Կշիռների հաշվարկում	Ընտրված կազմակերպությունների վերաբերյալ տեղեկատվությունը կշռվում է ընտրանքի ենթակա բոլոր կազմակերպությունների գլխավոր համակցության մեջ ըստ ՀՀ մարզային պատկանելիության և ըստ տնտեսական գործունեության տեսակների դասակարգչի ձևավորված ստրատաներ համապատասխան կշիռներով:
	5.7 Ագրեգատների հաշվարկում	Մուտքագրված տեղեկատվության հիման վրա իրականացվում է ամփոփ տվյալների ստացում ըստ առանձին վիճակագրական ցուցանիշների՝ նախապես մշակված համակարգչային ծրագրի միջոցով:
	5.8 Տվյալների ֆայլերի վերջնականացում	Հաճախ, ելնելով օպերատիվ վիճակագրական տվյալների ստացման անհրաժեշտությունից, նախնական տեղեկատվության հիման վրա կատարվում է նախնական ցուցանիշների հաշվարկ, որոնք հետագայում ենթակա են ճշգրտման:
<i>Վերլուծություն</i>		
	6.1 Նախնական արդյունքների նախապատրաստում	Ստացված ամփոփ տեղեկատվության հիման վրա իրականացվում է վիճակագրական ցուցանիշների խմբավորումների, ինդեքսների, ինչպես նաև դինամիկ շարքերի կառուցում: Ժամանակագրական համադրելիության առումով արդյունաբերական արտադրանքի ծավալի ինդեքսները հաշվարկվում են ամսական, եռամսյակային և տարեկան կտրվածքով՝ հաշվետու ամիսը նախորդ տարվա համապատասխան

		ամսվա նկատմամբ, հաշվետու ամիսը նախորդ ամսվա նկատմամբ, հաշվետու ժամանակաշրջանը նախորդ տարվա համապատասխան ժամանակաշրջանի նկատմամբ, հաշվետու եռամսյակը նախորդ տարվա համապատասխան եռամսյակի նկատմամբ, հաշվետու եռամսյակը նախորդ եռամսյակի նկատմամբ, հաշվետու տարին նախորդ տարվա նկատմամբ: Ստացված ցուցանիշների հաշվարկը օգտագործվում է նաև ըստ աշխատողների թվաքանակով որոշվող չափերի կազմակերպությունների վերաբերյալ ամփոփ տեղեկատվության ներկայացման, ինչպես նաև ցուցանիշների դինամիկ շարքերի կառուցման համար:
	6.2 Արդյունքների վավերացում	Ցուցանիշների ստացման ողջ ընթացքում խստորեն պահպանվում են դրանց ստացման մեթոդաբանական պահանջները՝ համաձայն նախապես սահմանված դասակարգումների, մեթոդաբանական ուղեցույցների և վիճակագրական հաշվետվական ձևի լրացման հրահանգի: Ելքային տվյալները համեմատվում են ինչպես նախորդ ամսվա (ժամանակաշրջանի) ցուցանիշների հետ, այնպես էլ նախորդ տարվա համապատասխան ամսվա (ժամանակաշրջանի) ցուցանիշների հետ: Իրականացվում է տվյալների միջև առկա տարբերությունների ուսումնասիրում:
	6.3 Արդյունքների մեկնաբանում և բացատրում	Ամփոփ ցուցանիշների ստացումից հետո իրականացվում է դրանց տրամաբանական վերլուծում՝ օգտագործելով տնտեսությունում տեղի ունեցող տարաբնույթ երևույթների ազդեցությունը նշված ոլորտի վրա:
	6.4 Բացահայտման հսկողության կիրառում	Խստորեն պահպանվում են ինչպես հրապարակման ենթակա, այնպես էլ վիճակագրական տեղեկատվության օգտագործողների կողմից հայցվող վիճակագրական ցուցանիշների գաղտնիությունը, այն է դրանց գերծ լինելը անհատական (անվանական) տեղեկություններից, համաձայն «Պաշտոնական վիճակագրության մասին օրենքի» և 2001 թվականի հունիսի 25-ի «Վիճակագրական գաղտնիքի պահպանման կարգը հաստատելու մասին» ՀՀ ՎՊԽ N 53 որոշման (տես՝ http://www.armstat.am/file/doc/99454478.pdf հղումը):
	6.5 Արդյունքների վերջնականացում	-
<i>Տարածում</i>		
	7.1 Ելքային համակարգերի արդիականացում	Համացանցում տեղադրված «Ժամանակագրական շարքերը» ամեն ամիս թարմացվում են՝ տեղադրելով տվյալ ամսվա արդյունաբերական արտադրանքի ցուցանիշները ըստ տնտեսական գործունեության տեսակների: Նմանատիպ ձևով յուրաքանչյուր տարի թարմացվում են «Armstat.Bank»-ում (տես՝ http://armstatbank.am հղումը) տեղադրված արտադրանքի ծավալի ցուցանիշները:

	7.2 Տարածման արտադրանքների արտադրում	Տարածվող արտադրանքների համար իրականացվում են արտադրման բոլոր քայլերը՝ բացատրական տեքստի, աղյուսակների, գծապատկերների, քարտեզների և այլ նյութերի նախապատրաստում, այդ արտադրանքների խմբագրում և դրանց համապատասխանեցում հրապարակման ստանդարտներին:
	7.3 Տարածման արտադրանքների թողարկման կառավարում	Վիճակագրական տեղեկատվության տարածումը կատարվում է համապատասխան Արմատատի հնգամյա և տարեկան վիճակագրական ծրագրերով նախատեսված ժամանակացույցի: Վիճակագրական տեղեկատվություն ներկայացնողների կողմից ցուցանիշների վերաբերյալ տեղեկատվության փոփոխման կամ ճշգրտումների կատարման դեպքում համապատասխան փոփոխությունների և ճշգրտումների են ենթարկվում նաև Արմատատի կողմից արդեն իսկ հրապարակված ցուցանիշները:
	7.4 Տարածման արտադրանքների խթանում	Տարածման արտադրանքների տրամադրում: Գործիքների օգտագործում օգտագործողների հետ հաղորդակցությունը կառավարելու համար: Կայքի, ֆեյսբուքի և այլ միջոցների օգտագործում:
	7.5 Օգտագործողների աջակցության կառավարում	Վիճակագրական տեղեկատվություն օգտագործողների կողմից չհրապարակվող ցուցանիշների վերաբերյալ տեղեկատվության պաշտոնական հայցման դեպքում հնարավորության սահմաններում իրականացվում է լրացուցիչ ցուցանիշների հաշվարկ և տրամադրում նրանց՝ միաժամանակ պահպանելով վիճակագրական տեղեկատվության նկատմամբ գաղտնիության սկզբունքը:
	<i>Գնահատում</i>	
	8.1 Գնահատման միջոցների հավաքում	Ըստ անհրաժեշտության իրականացվում է միննույն աղբյուրից և/կամ համապատասխան կազմակերպությունների վերաբերյալ վարչական ռեգիստրներից ստացվող տեղեկատվության հավաքում՝ համեմատություններ իրականացնելու նպատակով:
	8.2 Գնահատման իրականացում	Վիճակագրական ցուցանիշների որակի կառավարման տեսանկյունից իրականացվում են միննույն աղբյուրից ստացվող, տարբեր հաշվետվական ձևերում արտացոլված միննույն կազմակերպությունների վերաբերյալ տեղեկատվության համեմատություններ: Տեղեկատվության որակի գնահատման համար տեղեկատվական հիմք են հանդիսանում նաև վարչական ռեգիստրները, օրինակ, ՀՀ արդարադատության նախարարության իրավաբանական անձանց պետական գրանցում իրականացնող մարմնի և/կամ ֆինանսների նախարարության կողմից տրամադրվող համապատասխան տեղեկատվությունը:
	8.3 Գործողությունների ծրագրի համաձայնեցում	Համեմատվող միննույն ցուցանիշի վերաբերյալ, տարբեր աղբյուրներից ստացվող տեղեկատվության միջև անհամապատասխանությունների հայտնաբերման

		դեպքում իրականացվում է դրանց հնարավոր պատճառների բացահայտում, որի հիման վրա իրականացվում են համապատասխան վերջնական ճշգրտման աշխատանքներ:
--	--	--